



In dumënia ai 07 de Aurí el gnü sughé la secunda partida dl ritorno dl campionat 2012/2013 de 3° categoria por La Val. La partida é gnüda sugada fora de cíasa cuntra la squadra da Lügen.

Dô la buniscima prestaziun te amichevola cuntra la squadra dl Rina é jüs La Val a Lügen uron mustrè inant le jüch fat ia por l'edema.

Mo sciöche bel preodü ê le ciamp da sughé a Lügen in stletes condiziuns, porchêl ê i sogadusc da La Val nia stá bugn bugn da fa na bela partida. Mo al manciâ zigü ince en pü la grinta che é stada cuntra le Rina. Mo conscidran en pü düta la situaziun, i sogadusc che manciâ el le pareggio 1 a 1 zigü en bun resultat por La Val, che resta imbatüda tl ritorno.

Le prüm gol ti é garatè a mesa le prüm tēmp al Lügen. Paolo Vallazza intercetëia la pala te area y o la portè fora. Mo ara ti rimbalza spo dopo sön la man che ê pormez al corp. Le arbiter fischia le rigore che ne foss nia stè. Insciö se prejënta le atacant dl Lügen sön le 11 y spiazëia Sepl. Ince le Lügen se stënt dër da tigni la pala bassa. Al vëgn ma plü scialdi splundre sô o lancè. Por i tifosi che ciarâ pro el zigü stè na burta partida.

Püch dedô el spo Sepl che salva la porta da La Val. I defensurisc da La Val ne é nia bugn da trá fora la pala tl area. Un da Lügen rōia spo adalerch se tol le pal y le spizurëia dlungia le palo cürt. Mo cun en gran riflesso el spo bun da cōie fora la pala. Püch dan che le prüm tēmp se rōia ti garetel impo ciàmò le gol a La Val. Freddy intercetëia en lancio de cé, la pala ti rōia a Stefan che cun en bel lancio metl Romeo da sú cuntra le portier da Lügen. Le portier vegn fora y Romeo cun en bel palonetto mētl la pala te porta. Püch dan che le prüm tēmp se rōia el ciàmò Micky che fesc "testen" le portier, en bel tiro sön le incrocio cürt. Mo le portier é bun da parè.

Le prüm tēmp se stlüsc jö sön le 1 a 1.

Tl secundo tēmp á trames dös scuadres la chance da fa cíamò en gol. Mo al mancia tres le ultimo stop che ne gareta mai, por via dl bur campo. Ince i passaggi ne rōia nia a destinaziun. Na bela poniziun de Moling David rōia pūc zentimetri dlungia la palo ia. Romeo á ince la chance da fa cíàò en gol. Micky fesc en bel passaggio filtrante, mo Romeo se arlungëia massa la pala y insciö rōia fora le portier che é bun da trá demez. Ince le Lūsen á cíamò na gran chance, le atacant se porta cuntra Sepl, mo spo ne atochel nia la porta.

La partida se stlūsc jö insciö sön le 1 a 1. Cun chësc punt davagnè resta La Val al 6° post.

Proscima partida é in dumënia a La Val cuntra i prūms da Gsiesertal dales 16:00.

□

La formaziun titolara: Kantioler Sepl, Miribung Adrian, Alton Alex, Vallazza Paolo, Frenes Egon, Verginer Franz, Sottara Freddy, Sottara Stefan, Miribung Alexander, Frenes Micky y Rubatscher Romeo.

□

Sostituziuns:

Moling David por Miribung Adrian

Valentin Lukas por Miribung Alexander

□

**Por udëi i atri resultač (ince di atri campionač ulache sogadusc da La Val süga para)
drüca: [resultač](#)**